



DEGA NË LIPJAN – OGRANAK U LIPLJANU

P.nr.159/16

NË EMËR TË POPULLIT

GJYKATA THEMELORE NË PRISHTINË DEGA NË LIPJAN, në përbërje prej gjyqtarit të vetëm gjykues Avdirrahman Gashi, me pjesëmarrjen e procesmbajtëses Nexhmije Ahmeti, duke vendosur në çështjen penale ndaj të pandehurës J. A. nga fshati G. e V. K. L., të cilën e akuzon PTH në Prishtinë, me aktakuzën saj PP.II.nr.472/14 të dt. 02.03.2016, për shkak të veprës penale, Vjedhja e shërbimeve komunale nga neni 320 të KPRK-së, në shqyrtimin fillestar publik, të mbajtur me dt.22.10.2018, në prani të përfaqësuesit të PTH-së, prokurorit A. Sh., të pandehurës dhe përkthyeses së gjykatës Havushe Sijarina, në të njejtën datë merr dhe publikisht shpall këtë:

A K T G J Y K I M

Ndaj të pandehurës:

J. A., e lindur me datën *data e lindjes...*, në M. Komuna L., nga i ati A. dhe e ëma A., me vendbanim në fshatin G. e V. Komuna L., me nr. personal *numri personal...*, Serbe, shtetase e Republikës së Kosovës.

Ë S H T Ë F A J T O R E

Sepse:

Nga data e pavërtetuar e deri me dt.14.11.2013, lur nga ana e personave të autorizuar të KEDS-it, është vërtetuar, me qëllim që veti ti sjellë përfitim të kundërligjshëm pasuror, në mënyrë të paautorizuar e ka shfrytëzuar energjin elektrike në shtëpin e vet në adresën e lartëcekur, në atë mënyrë që në mënyrë ilegale drejtë për drejtë është lidhur në rrejtë ashtu që energjia e shpenzuar elektrike nuk është regjistruar, me qka ka shkaktuar dëm material në shumë prej 162.93-€, sipas kalkulimit të kryer nga ana e shërbimit të autorizuar të KEDS-it, -me këtë ka kryer veprën penale Vjedhja e shërbimeve komunale nga neni 320 të KPRK-së.

Andaj gjykata konform neneve 1, 2, 4, 6, 7, 21, 41, 42, 43, 49, 50, 51, 52, 73, 320 të KPRK-së, si dhe dispozitave të nenit 365 të KPPK- së të pandehurën e gjykon me,

DËNIM ME KUSHT

Me dënim me burgim në kohëzgjatje prej 1 (një) muaji dhe me dënim me gjobë në shumë prej 200-€ (dyqindeuro), të cilat dënime nuk do të ekzekutohen, nëse e pandehura në afat prej 1 (një) viti nuk kryen vepër tjetër penale.

DETYROHET e pandehura, që të dëmtuarës KEDS-Departamentit Ligjor në Ferizaj, t'ia kompensoj shumën e dëmit të shkaktuar në vlerë prej 162.93-€, në afat prej 15 dite pas plotfuqishmërisë së këtij aktgjykimi, nën kërcënimin e përmbarimit të dhunshëm.

DETYROHET e pandehura që kësaj gjykate, në emër të shpenzimeve të paushallit gjyqësor të ia paguaj shumën prej 20-€ dhe shumën prej 30-€ në Fondin e Viktimave të krimin, këto në afat prej 15 dite pas plotfuqishmërisë së aktgjykimit, nën kërcënimin e përmbarimit të dhunshëm.

A r s y e t i m

Prokuroria Themelore në Prishtinë, me Aktakuzën e saj, PP.II.nr.472/14 të dt. 02.03.2016, e ka akuzuar të pandehurën J. A., për shkak të veprës penale Vjedhja e shërbimeve komunale nga neni 320 të KPRK-së.

Prokurorja e shtetit në shqyrtimin fillestar, ka mbetur në tërësi pranë aktit akuzues, dhe është pajtuar me pranimin e fajësisë nga ana e të pandehurës, e cila është bërë konform dispozitave ligjore dhe në përputhje me provat që gjenden në shkresat e lëndës, dhe në të njëjtën kohë gjykatës i ka propozuar që të pandehurën ta shpallë fajtor dhe ta dënoi sipas ligjit, ndërsa gjatë përcaktimit të lartësisë së dënimit për të njëjtën, nga gjykata ka kërkuar që të merret si rrethanë lehtësuese pranimi i fajësisë.

E pandehura në shqyrtimin fillestar e ka pranuar fajësinë për të gjitha pikat e aktakuzës, respektivisht për veprën penale e cila i vihet në barrë, dhe njëkohësisht nga gjykata ka kërkuar që me rastin e matjes së dënimit, të njëjtës ti shqiptohet një dënim sa më i butë, ngase e njëjta është mbajtëse e familjës, e gjendjes jo të mirë ekonomike, dhe njëherit ka shprehur pendim të thellë, duke i premtuar gjykatës se në të ardhmen nuk do ta përsërisë veprën penale apo të ngjashme.

Gjyqtari i vetëm gjykues, i bindur se e pandehura e ka kuptuar natyrën dhe pasojat e pranimin të fajit, pranimi i fajësisë është bërë në mënyrë të vullnetshme, pranimi i fajit mbështet në faktet e çështjes që i përmban aktakuza, dhe se aktakuza nuk përmban asnjë shkelje të qartë ligjore ose gabime faktike, konform nenit 248 të KPPK së gjykata e pranoi pranimin e fajësisë të të pandehurës, për veprën penale të përshkruar si në dispozitiv të këtij aktgjykimi.

Me rastin e caktimit të llojit dhe të lartësisë së dënimit gjykata pati parasysht të gjitha rrethanat lehtësuese dhe rënduese për të pandehurën, ashtu që si rrethana lehtësuese gjykata vlerësoi rrethanat personale, pra faktin se e pandehura është mbajtëse e familjës, e gjendjes jo të mirë ekonomike, pendimin, premtimin e dhënë kësaj gjykate se në të ardhmen nuk do të përsërisë vepra të tilla apo të ngjashme, e veçanërisht pranimin e fajësisë nga ana e të pandehurës, e në mungesë të rrethanave rënduese, konform nenit 73 të KPRK-së, të njëjtës i shqiptoi dënimin e paraparë si në dispozitiv të këtij aktgjykimi, duke qenë e bindur se një dënim të tillë do të arrihet qëllimi i dënimit konform nenit 50 të KPRK-së, kur vlerësohet se tërheqja e vërejtjes me kërcënimin e dënimit është e nevojshme të ndalojë që kryesi të mos kryejë veprën penale.

Vendimi për shpenzimet e procedurës u bazua në nenin 450 par. 1 dhe par. 2 pika 6 të KPPK-së, ndërsa vendimi për pagesën e shumëve në Fondin e Viktimave u bazua në nenin 39 të Ligjit për Mbrojtjen e Viktimave të Krimit.

Vendimi mbi realizimin e kërkesës pasurore-juridike gjithashtu u bazua në dispozitivin e nenit 463 par. 1 dhe 2 të KPPK-së.

Nga arsyet e cekura më lartë u vendos si në dispozitiv të këtij aktgjykimi.

GJYKATA THEMELORE NË PRISHTINE-DEGA NË LIPJAN.

P.nr.159/16, dt.22.10.2018.

Sekretarja juridike

Nexhmije Ahmeti

GJYQTARI

Avdirrahman Gashi

UDHËZIM JURIDIK: Kundër këtij aktgjykimi është e lejuar ankesa, në afat prej 15 dite nga dita e dorëzimit të të njëjtit. Ankesa i drejtohet Gjykatës së Apelit në Prishtinë, përmes kësaj gjykate.